

Darko Babalj:

1. Pitanja postavljena Zajedničkoj službi Parlamentarne skupštine BiH, Vijeću ministara BiH i Predsjedništvu BiH – „Tražim da mi se dostavi informacija koliko se plaća zakup smještaja zajedničkih institucija BiH? Koje su institucije ili dijelovi tih institucija smješteni van zgrade Parlamentarne skupštine i Vijeća ministara? Kako se određuje gdje će biti iznajmljen prostor za smještaj agencija ili nekih drugih institucija BiH? Da li se raspisuje javni poziv ili konkurs za iznajmljivanje prostora ili se u unaprijed iznajmljene prostorije smještaju institucije? Postoje li kriteriji za iznajmljivanje prostora, kvadratura, lokacija i cijena? Moraju li sva odjeljenja ministarstva u Vijeću ministara BiH, koja nisu smještena u zgradi pored Parlamentarne skupštine, biti u centru Sarajeva ili se ona mogu smjestiti negdje drugo gdje su cijene zakupa znatno niže?

Tražim i da se napravi revizija korištenja prostora u zgradama Parlamentarne skupštine BiH, Vijeća ministara BiH, Predsjedništva BiH. Da li tu postoji neiskorišten prostor? Šta je s rezidencijalnim objektom Predsjedništva BiH "Konakom"? Po kojoj cijeni se dio tog objekta ustupa na korištenje fakultetu Ejupa Ganića? Na sva ova pitanja tražim odgovor od Sekretarijata Parlamentarne skupštine BiH, Vijeća ministara BiH i Predsjedništva BiH, te od agencija koje nemaju svoj prostor već ga iznajmljuju?

2. Pitanja postavljena Vijeću ministara BiH:

1. „Ko opstruira realizaciju projekta obnove bolnice Kasindo u Istočnom Sarajevu i realizaciju programa saradnje s Grčkom kroz projekte HiPERB i zbog čega se ne realiziraju zaključci Vijeća ministara BiH vezani za realizaciju ovog projekta, kada je poznato da postoje osigurana sredstva u iznosu od 2.919.823,19 KM, uključujući i doznačena sredstva Vlade Republike Srpske od 1.112.710 KM?
2. Ko snosi troškove finansiranja zaposlenih u tzv. Uredu koordinatora za HiPERB u zgradi Parlamentarne skupštine BiH, jer prema izvještaju o izvršenju budžeta za 2009. godinu, imamo potrošenih 257.600 KM, za 2010. godinu 284.493,96 KM, a za prvih šest mjeseci ove godine čak 255.396 KM. U izvještaju izvršenja budžeta institucija BiH za 2010. godinu stoji da nije bilo raspoloživih sredstava od Grčke, a finansiranje Ureda nacionalnog koordinatora prema Sporazumu o razvojnoj saradnji 2002.-2006. godine vrši se iz donatorskih sredstava koje uplaćuje Grčka.“